

Кому Республикаса том войтырлөн газет



Майбырöй, гождöмöй!

**Тайо
НОМЕРЫН**

Ме ола Изва районса Гам сиктын. Менам Гам - нейджыд, но мича сикт. Гамсянь войвылө - тундра, лунвылө - вөр. Вөръяс озырсь тшакон да вотосон, лэбач-пөткаон да вöрса пембсөн. Юяс да тыяс юкталоны сийс.

4.5
л.б.

«Йолöгалон» «Гожся мойдын» лист бокö ассьыс мича снимокъяссö нöшта öтчыдысь ыстис Кörtкерöс районса Нёбдин сиктысь Полина Панюкова. Нывка таво кутас велöдчыны бөръя во Коми Республикаса физико-математической лицейлön химико-биологической классын.

8
л.б.

Нималана психолог Эрик Эриксон серти, мортлön олöмы юксьö 8 тшупöд вылö. Сэки сийö мовпалö, мый сямис вöчны аслас олöмын, да вöчö кывкортöд.

12
л.б.

Гожöмнад сиктад либö дачаад - медся гажа да бур. А медым луныд эз вывти кузьöн чайтсьы, бурджык мыйкö ас кинад ноксыштны. Вöзъям видлыны мичмöдны йöртö ичöтик поскон, юкмöсөн да кутшöмсюрö звер-пöткаон.

13
л.б.



Пера-багатыр йылысь

Юркарса челядылы шöр библиотекаын воссис «Пера-багатыр - коми легендаясысь да мойджывъясысь герой» выставка.

Выставкасö библиотекаса уджалысьяс дасьтöмаось öтув Н.М. Дьяконов нима литературно-театральной музейысь водзмöстчысьяскöд. Уджъясылон автор - пу вылын вундасьöмын мастер Евгений Петрович Шабалин.

Евгений Петровичлön чукöрмöма нин вель уна удж, а ышöдö сийös уджас кутчысьнысö миян войвывса вөр-валон мичлуныс да аслыспöлöслуныс. Мастерлön кипом уджъясөн тöдмаслысны нин эз сöмын республикаса олысьяс, но и мукöд регионса войтыр.

Библиотекаö волысьяслön эм позянлун аддзывны Пера-багатырös, кодös кыталöны мойджывса да сiдз шусяна мифологической пемсьяс.

А библиотекаын уджалысьяс дасьтöмаось Пера-багатыр йылысь небөгъяса выставка. Юркарса дзюлюкъяслön эм позянлун пырöдчыны тшöтш и нималана коми геройкöд йитчöм викторинаö да конкурсясö.

Светлана СТРЕКАЛОВА



ГАЗ

Июль 12-öд лунö финн-йöгра этнокультура паркын мунис бать-мамтöм челядьöс быдтöм-видзöм вылö босьтысь семьяслөн медвед-дза слёт. «Ставөн ми öтувъя котыр» нима аддзысьлём-гажыс мунис республикаса тшупöдын. Слёт вылö волісны республикаса 17 районьсь матö нелямын семья.

Ставөн ми öтувъя котыр

Гажыс заводитчис семьяслөн кыпыда мунöмсянь (шествиесянь). Чукöртчысьясöс чолöмаліс социальнöя сөвман Коми Республикаса агентствонь веськöдлысьöс вежысь Елена Романец, а тшöтш и сеталіс медбур семьяслы «За любовь и верность» медальяс.

Сы бöрын паркын воссисны челядьлы ворсан да спортивнöй площадкаяс. А социальнöй технологияяс сөвмөдан регионса шöриньсь специалистъяс велöдісны дзюлюкъясöс мастер-класъясын: ныв-зон став сёлöмсяньыс зілісны вöчны мича да аслыспölöс открытка, вундалісны-клеитісны шондä да катшасин. Волонтёръяс гажöдісны челядьöс ворсöмъясөн.

А сэжкості «гöгрöс пызан» сайын бать-мам сёрнитісны öтувъя тöжд-мог йылысь депутатъяскöд, веськöдлысьяскад да общественникъяскöд. Елена Романец нöшта öтчид казтыштгіс, мый республикаын уджалöны службаяс, кодъяс отсалöны бать-мамтöм челядьöс быдтöм-видзöм вылö босьтысь семьяслы, да висьталіс, кызди уджалö регионьн «Обрести семью» инновационнöй ужтас. Чукöртчысьяс тöдчöдісны, мый колö вынсьöдны социальнöй отсöгсö татшöм семьяслы, мый колö топыда уджавны муниципалитетъяскöд да колö дасьтывны сідз шусяна социальнöй экспедицияяс ылі районъясö.

Та бöрын бать-мамы нуöдісны «Трудное поведение: как нам быть?» психологической тренингяс. Ставөн велöдчисны корсьны босьтöм какакöд паньдасьлысь сьöкыдлунъясысь петан туйяс.

Рытланьыс нин мунис семьяс костын творчествоа фестиваль. Чукöртчысьяс нимкодьöдісны öгамöднысö сьылём-йöктöмөн, шылада инструментъясөн ворсöмөн да кывбуръяс лыддьöмөн.

Социальнöй технологияяс сөвмөдан регионса шöринлөн юр серти



Поча Кудийсы

«Йөлөгалон» тайё номерын окотанырысь йөзөдам том гижысьяслон Гожся университетет тавося помалысьяслысь гижөдъяс.

Петрунь сиктын коркө медми-ча керкаон вөли Гора керка. Уса юлон джуджыд креж вылын сулавлі сійө өшиньяснас шонділань. Ачыс мича, уна өшиня, асылспөлос серон серлөддөма.

12 арөсөн вайөддөмаось татчө Гора Ольос озыр яран дорө уджалысьон. Волөма кышөдтөм маличаон. Уджалөма зэв бура, и быд во уджсыс сетлөмаось 5 важенка. Тадзи чукөртөма аслыс нейджыд стада да торйөдчөма аслас көръясон. А сөсса көр стадаыс пыр ыдждөма и ыдждөма.

Кык ёрт - Гора Оль да Пидасей - коркө сөрниө воасны: вөчасны кө найө аслыныс керкаяс, кодныслон эськө мичаджык лоө? Бөрийөмаось местаяс - кыкнанныс Усвалон креж вылас, өта-мөдсыс небын. И заводитчөма удж.

Гора Оль мастеръясөс Изываысь корөма. Медбур мастеръяссө! Керсө кылөдөмаось. Дзолук Ташө (Татьяна Александровна Шашок) аслас вөлөн, коді сиктас вөлөма медьёнөн, быдса везон ю дорьяныс керка местаөдзыс керьяссө катлөма (көть эськө и абу ёна ылын).

Подувсө пуктөмаось ниаысь. Лэптөмаось кык судтаа мича-сыс-мича коромина. Узора өшиньяса. Керка пельөсъяссө серлөддөма. Сулалө-зымвидзө Усвалон джуджыд креж вылын. Ок и мича!

Петрунь сиктын Гора Ольпөн медмича керка

Гора Оль ачыс вөлөма зэв озыр. Уна көра. Видзөма уджалысьясөс - көр видзысьясөс. Сы ордын уджавлөма медбур көр видзысьясысь өти - Рөман Оль старик (Алексей Иванович Семьяшкин). Колхозө пыртөдз көр стадаыс сылон вөлөма медыджыд. Уджалысьяссө видзөма зэв бура: вердлөма-юктөдлөма, көмөдлөма-пасытөдлөма.

Гора Оль вөлөма зэв шань. Гөтырыскөд оломөось ладон, сөмын челядь налон абу вөлөма. Быдгывлөмаось сирөта детинаос - Петраос. Бөрынджык сійөс сиктса кутөмаось шуны Гора Петраон.

Тшөкыда юавлөмаось Гора Ольылысь, мыйла сійө кыпөдө та ыджда керкасө, өд тэнад пө челядь абу? Гора Оль вочавидзлөма: кор пө кула ачим, керкаыс кольө, и быдөн кутас төдны, мый тайө стрөйбаыс Гора стариклон. Сиктса олысьяс төдісны: Гора стариклон керка өдзөсыс мунысь-ветлысьы пыр вөли восяса.

Тани вердасны, юктөдасны чайон, туй мортос водтөдасны-узытөдасны.

Гожөмнас, кор верстыө йөз ставыс вөліны видз вылын - турун пуктанинын - сиктө кольісны челядь. Найө, дерт, ас кежысь олигад вермисны вөчны быдтор: и купайтчыны лэччыны, и истөгөн ворсны, и матысса вөрө котөртны. Гора старик на бөрся сюся видзөддөма, мед некутшөм неминуча накод эз вөв. Мам-бать төдөмаось: челядь абу өтнаныс - накод Гора Оль. А челядьыд кывзысьлөмаось сылысь, лөня оломөось, керкаяс дорас ворслөмаось.


Гора стариклон вөлөма часі, сөкса кадө өтнаслон! 6 час асылы сійө көртө клөнгөмон висьтавлөма асыв пуксьөм йылысь. Луннас клөнгылөма кык часын, юөртөма өбед кад йылысь. Рыт-нас квайт часын - рыт пө пуксис. И тадз быд лун.

Гора Оль аслыс да гөтырыслы вөчлөма гортъяс, стружитөмон, кокныдикъясөс. Видзөма шыпөлэсас (йиркас). А кор керкасө сетөма школа улө, нинөм торъя абу босытөма гортъяссыс өддор.

Гора Петра гөтрасылөма Мария Борисовна вылө, кодөс ыстылөмаось көр дорө санитарон. Ачыс детдомса вөлөма, донса казачка. 50 арөсөн Гора Петра кувсьылөма.

Кор воөма кулачитан кад, Гора Оль төдөма, мый сылысь керкасө босытасны, а асысө ыстасны код төдас кытчө. Керкасө сетөма школа улө. Сэтысянь керкаыслы лоөма выль ним - Гора школа. Гажа вөлөма тани челядьлы велөдчыны: ыджыд өшиньяса югыд классъяс, матын Уса ю, гөгөр кос да сөстөм. Бур мастеръясон вөчөм керкаын шоныд да лөсыыд вөлөма челядьлы и велөдысьяслы.

1967-өд воын Петруньын заво-



дитомаось стрöйтны виль школа, а 1969-öd воын эштöдöмаось. Гора школа кушмöма. Сöмын стенас кольöмаось кырымпасъясыс налөн, кодъяс тані велöдчöмаось. Кутшöм уна ним! Найö öнöдз на эмось. Казытылöны важсö, ылö бөрö кольöмасö, челядьдырсö...

Кор Гора Öль керкаын воссьöма школа, старик гозъяыс петöмаось гöтырыслөн рöдвуж ордö. Сэсянь найös и дзёбöмаось сиктса шойна ылö.

Керка дыр кушөн абу олöма. Сэтчö восьтöмаось георазведкалысь рация пункт. Керка бара ловзьöма. Öшинь вылын дзоридзьяс, шоныд сетöма-ломтöма Катя тьötка, коді тані жö олöма. Сійö жö и мыскасьлöма-пелькöдчöма. Уджалöмаось тані зиль да киподтуя йöз. Найö жö висьтавлöмаось, мый кодлөнкö лолыс век кылö тані: то öдзöс воссяс, то кутшöмкö вуджөр котöртас, то мыйкö друг усяс. Шуöны, урöса пö тайö керкаыс. Код тöдас, збыль абу...

Коркö тані вöлöма пöжар, керкаыс эськö абу сотчöма, кусöдöмаось, но бать-мамөн кольöм челядьныс, чоя-вока, сотчöмаось. Гашкö пö, налөн ловъясыс тан бёрдöны. А коркö öтчыд керкасö кöсйöмаось фотографируйтны. Вöлöма сёр нин. Пемыдкодь нин вöлöма. Öти снимокыс артмöма бура, а дзик пыр снимайтöм мöд фотоыс - тшын пытшкын. (Но öд некод абу куритöма, кытысь тшынныс?) А кор снимокъяссö вöчöмаось, мичаа тыдовтчöма кильчö öшинь дорас пукалысь нывбаба. А ми чайтам, мый керкаыс сэки зэв нин мисьтöм да киссьöма дзоньнас вöлöма, да кöзьяваыс, буракö, абу тшöктöмаось снимайтны, мед некод оз и аддзвы мисьтöммöм, а voidөр Петруньын медмича керкасö.

Бөръя воясö уна нин сёрнитисны сы йылысь, медем разны тайö керкасö, но некод абу лысьтöма. Чайтöмаось, мый лёктор вермас кутшöмкö лоны... Жаль, эг вермöй видзны быдмысь войтырлы тайö керкасö. А öд сійö сиктыслөн историяысь öти лист бок!.. Петрунь сиктын коркöя медмича керкасö разисны кольöм вося июнь тöлысьö.

*Вагим СЕМЯШКИН,
Инта районас
Петрунь сикт.*



ЧУЖАН МУ

Туйяс, туйяс, кузьёсь и дженьыддось тi



Ме ола Изьва районса Гам сиктын. Менам Гам - нейджд, но мича сикт. Гамсянь войвылө- тундра, лунвылө - вөр. Вөръяс озырөсь тшакон да вотосон, лэбач-пөткаон да вөрсә пемөсөн. Юковтө войвыв мулысь паськыд эрдъяссө Печора-матушкаө усьысь визув Изьваным аслас вожъяснас. Найө тулыснас сөстөмтөны висъясөд юсянь матысь куйлысь тыяссө, медыджыдыс на костын - Крукасян. Крукасян тылөн меддждуджыдыныс - 9 метрөдз, пасьтаыс - 120 метр дорө. Тыяслөн эм куим вож: усьө сэтчө куим вис, петө өти. Тыас оло быдпөлөс чери: сир, ёкыш, кельчи, гыч, пелядь (но гежд). Найө пырөны висъясөдыс. Сидзжө быд тулыс позъясьоны уткаяс. Та вөсна Крукасян тыяс ас бокас пыр кыскө вөр-ва радейтысь войтырөс. Сылөн берегас сулалө кык керка. Найөс вөчисны асьныс кыйсысьяс. Керкаас вөралысьяс да чери кыйысьяс шойччөны. Оз сөмын вөралысь-кыйсысьсөс кыскы ас дорас тыбердса вөр-ваыс: Гамса войтырлөн тайө бур да мича шойччанін.

Видзөдлыны кө Гамсянь кывтыдлань да катыдлань, мылькъяс да ыбъяс вылысь аддан пласьт-видзысь сиктъяс. Кывтыдлань сиктъясыс: Мокчой, Бакур, Ыб, а катыдлань: Ласта, Кулим, Тшель. Ласта да Тшель мөдар берегасөсь, а мукөдыс таладорас. Найөс йитө паськыд мир туй. Мир туй бокын сулалөны керкаяс, менам школа, орччөн клуб, школа водзын ыджыд сад. Сад бокас эм эрд, көні мяян зонъяс ворсөны футболөн.

Мир туйсянь кежө уна ыджыд да дзоля туй. Вы-





лыс Гамланьын мир туйсянь кежө Балячой туй да өтлаась Шорчой туйкөд. Тайө Улыс Гамлань лэччусь туйяс. Шулөмаось Балячойон сы вöсна, мый важон чой бокас öти мужичöй, прözвище сертигьс Баля Ярко, стрöйтлөма керка и олөма сэни. Мортыслон ним серти сетөмаось чойыслы нимсö. Тайос меным висьталис дедö - Николай Степанович Рочев, кодi чужлис Гамын 1948-өд воö. Мукöдыс шуöны, мый баляяс сэни видзлөмаось да сы вöсна тадз нимтöмаось. Балячойти ми иславлим дзоядырйи лызбон да дадбон. Бура и гажа сэк мян вöли! Чойыс кузь и абу вывти крут, ылөдз и нуö! Сьолөмыд радлө!

Шорчой бокын эм вөр. Шусьö Мичанырд. Сэни ми öзтылам бикур Пионерьяслон лунö, арнас турслэтгьяс, уялам крут крежгьяс вывти гезгьяс отсöгөн и прöста сiдз. Гожомнас ветлам сэтчö вотны оз. Вöрыс мича да абу эськөн ыджыд, но сулалö креж вылын Кургья берег полон, да гөгөр бура тыдалö.

Мир туй водзö катö Косьельö да мунö Кулимөдз. Мунигас туй боксыс гөгөр аддзан шыльквидзысь видзгьяс. Абу быдлаын татшөм ота мича видзгьясыс, висьталöны бокысь волысь войтыр. Видзгьяс вылас (Налима, Иванполе, Кыквискост, Кульмаель, Мотора) сиктса олысьяс пуктöны турун, а видзгьяс бердса яггьясас вотчöны, тшак öктöны, звер-пöтка кыйöны.

Налима нюрланьö вайөдö Аркатуй. Шулөмаось сыысь, мый туй бокгьясас радон быдмысь пуясыс артмөдлөмаось арка сяма туй, öни тайö пуясыс абуюсь нин, кералөмаось найос, а нимыс кольöма.

Ниаютуй заводитчö Ыджыд нюрсянь да вайөдö Ниаюдз, кыти петкөдöны вөр, вöралысьяс ветлöны кыйсыны. Сийö 18-20 км кузгьята.

Комплекс туй медся «том» туй. Ньюжөдчөма гараж дорсянь Мокчойса мөс видзан комплексöдз. Вөчлөмаось сийос абу на важон, 90-өд воясö. Туйыс тшөтш мунö вөр пыр, көни быдмөны тшак да вотос.

А вылыс мөгилаясыянь вожалö туй Войвожö да Ошмылькйö. Ошмыльксянь Титгьель бокö лэччөдö Мельнича чойти да вайөдö Налима Керосö да Мошгьюö. Мельничаыс важон нин абу, уна дас вояс, а нимыс кольöма. Сiдзкө, важон танi и нянь вөдитлөмаось-излөмаось.

Пырöдчыны кө туйяслон да сы гөгөрсä иннимгь-



яслон вежөртасö, позьö тöдмавны ас чужанiнлысь историгьясö, öнигьясö и важгьясö.

Туйяс, туйяс, кузьось и дженьыдось ти. Мед найö йитасны оз сöмын сиктгьяс да сэни олысь войтырös, но и налысь память-вежөрсö важгья олөмыскöд.

Юлиана СМЕТАНИНА,
Изва районса Гам сикт.
Снимокгьясыс Евгений НИКИФОРОВЛОН
га öтывезгьясь.



«Йөлөгалон» «Гожся мойдын» лист бокö ассьыс мича снимокъяссö нöшта öтчыдысь ыстис Кörtкерöс районса Нёбдин сиктысь Полина Панюкова. Ныька таво кутас велöдчыны бөръя во Коми Республикаса физико-математическöй лицейлön химико-биологическöй классын.

Полинали ёна кажитчö снимайтны вөр-ва, торйөн нин пö мича снимокъяс арт-мöны гожöмын. Ми, дерт, окотапырысь йözöдам Полиналысь уджъяссö.

Гожся мойдын

Александра
МИШАРИНА

Ме шондїсьыс на водз
Век чечча.
А сэсья вадорö
Ме лэчча,
И мөдлапöлö
Дзорга дыр.
И лэбач дзольгöмön
Нин тыр
Водз гожся асыв,
Муса ывла.
Ме сöмын сэки
Шудсö кывла.



ВЫЛЬ КЫВБУРЪЯС

Мария ШАХОВА
(Кулөмгін районы
Пождог сикт)

Челядьдыр

Майбырөй дай, челядьдырөй!
Кытчө вошин, кытчө сылін?
Кутшөм ләбулө нө пырин?
Зэв тай регыдик тэ кылін.

Майбырөй дай, челядьдырөй!
Тэысь бурджык кад оз овлы.
Эськө, позис кө, ме пыр на
Көса помын бантик новлі.

Синва оз доршась, и нюмөй оз пет -
Сьөлөмөс небзьөдны сылы эг сет.
Сьөлөмөй чорзьөма, сьөлөмөй кын,
Шоныда тіпкыны вошөма вын.

Сьөлөмөй жугалис. Мыйла? Ог төд.
Сьөлөмөс жугөдіс кодкө мөд.
Чепөльтіс, шамыртіс, чегис кык пөв...
Татшөмөн сьөлөмөй некор эз вөв.

Синва оз доршась, и нюмөй оз пет -
Сьөлөмөс небзьөдны сылы эг сет.
Тадзи мед кольө, и вежны оз ков:
Нинөмысь чорзьөдөм сьөлөм оз пов.

Арся войө

Мыйкө вунлөмтор арся вой шөпкө.
Эзысь төлысьнас шензя, ог узь.
Сөстөм сынөдөн ывласянь өвтө.
Войыс көдзид, а вывті нин кузь.

Эзысь төлысьыс мыйкө да сетас.
Дыр нин шобрөдлө, эг аддзыв вөт.
Кыськө лов пиысь гижөдтор петас:
Дженьыд кывбур, а сы бөрся мөд.

Арся пемыдыс мөвпьясөн сөвтө,
Мыйысь өнджыка сьөктаммө лов.
Мыйкө вунлөмтор дум вылө чөвтө -
Муса мортөс, код важөн оз ков.



Иван БЕЛЫХ

Мамук, эн нөйт!..

Челядьдырйи уна мукöд зонка моз жö эг пыр кывзысьлы мамлысь. Мамыд öд пыр көсийö, медым сылөн быдтасыс эз лэчтав да эз лёкысь дур, эз мун сэтчö, кытчö оз позь. А ичöтыдлы нö мый. Öти пельöдыд пырö висьталöмыд, а мөдтыс пыр жö петö. Со и вунöдан мамыдлысь дöжналöмтö. А сэсся сыысь и видзчысь, мед тэнö бöрынджык оз нёръявны либö тасмаавны, мый эн кывзысь. Но сийö öд тэнö лёк вылö оз велöд. Мам сёлöмыд пыр полö, мед сылөн быдтаскöд кутшöмкö неминуча оз ло.

А ичöтдырйи менö дözьöбитлис на батльөн мамыс, Анись баб. Но сэсся бөръя вонас сийö чорыда висьмис. Тöвланьыс эз нин кут вермыны чеччывны вольпасысь. Онöдз помнита, Анись баб куйлö крöватъ вылын да киас сакар торйөн корö ас дiнас öшиньбердса лабич дорын сулалысь ичöтик Володя вокöс, кодi сöмын на велöдчö ветлöдлыны. И со ичöтик кага шатласигмоз котöртö бабыс дiнас. А мöдыслы нимкодъ, мый Володя сувтö нин кок вылö.

Но меным гажтöм та вылö видзöдны. Окота бывлаö петны ворсьштны аслам тшöтшгьяскöд. Сэк жö он на тай пет. Кильчöыс таса. Бать-мам удж вылынöсь. Ыджыд вокъяс школаынöсь. Но ме век жö мöвпышти, кызди гортысь пышйыны. Гусьөн петкöдi посводзö ассым важ лöz пальто, гын сапöг, тöвся шапка. Шуи баблы, мися, колö петавны асмогөн посводзö. А сэсся посводзын öдйöджык пасьгаси, вosity звöз öдзöс, кытi турун пыртлывлöны сюруклы, да чеччышти абу на ёна джуджыд лым пиö. И пемдытöдзыс сэсся гуляйтi. Коркö рöмыднас нин пыри гортö. Дерт, менö ёна и пинялисны. А радейтана Анись баб дözмöмпырысь и шуис:

- Ок эськö, бурдла на жö мед Ивöос нöйтыштны. Вывтi нин лэчталö!

А сэсся шыöдчис мам дiнö:

- Ичмоньöй, мыйла нö питö сэтшöма пöвадитан, мыйла нö сийö юасытöг пышйывлö гортысь? А мыйкö кө лоö ськöд.

- Кыдзи нö ме сийöс кутны верма? - шуис мамöй. - Век со удж вылын. Абу öд челядькöд орччөн.

Но Анись баблы сiдзи и эз удайтчы бурдлыны. Регыд мысти сийöс гуалисны Ракадорса шойна вылö. И сэсянь вöляыд воссис меным. Школаö ог на вöли ветлöдлы да тöвся луньяснад пыр ислаьла аслам тшöтшгьяскöд Иля нырдын. Гажыс мыйта вöли сэки! Исласям джуджыд кыр йивсянь, кодi даддьөн, кодi лызьөн. Панласям ас костын, кодi медтэрыб, кодi медвинёв. Чирзам-горзам. Туплясям лым пыын. Огö весиг казялöй, кызди вочасөн пемдö ывла вылын.

А гачыд йизьöма да чорыд корка кодъ лоöма. И йирмөг нин вочасөн бosity. Но гортö век на абу окота мунны. Мукöддырйи весиг верстыöяс вольвлiсны миянöс корсьны да ропкигтырйи нуöдлывлiсны гортö. Ывлаысь пырöм бöрын öдйöджык пöрччан йизьöм гачтö да öшöдан пач дорö, а чыд водан паччөр вылас. Турдöм кикокыд шоналöм бöрад весиг заводитöны ёнтыны. Коркö и мам воö удж вылысь да көсий тасмаальштны менö дыр гуляйтöмысь да көм-паськөмсö вesityрö кисьтöмысь. Öдйöджык дзебся сыысь пöлатъ пельöсö, кытчö тасманад сьöкыд судзöдчыны. Но мам сэсся öвтыштö кияснас да шуö медбöрын:

- Часы, коркö сюрлан на, тадзи кө кутан вежмасыны.

Сылы некор. Гортын тырыс уджыс. Бур котъ пиыс ловъя-дзоньвидза гортас воис.

Нöшта гажаджык овывлис тулысын, кор сикт шöрын пысьтывлис вöрсянь лэччысь ызгысьбузгысь шор. Сы дорысь миянöс нинöмөн вöли он вермы кыскыны. Лэдзлывлiм визув шор кузя асламым киясөн вöчöм ичöтик

корабляс, а сэсся котöртлим на бöрся. Кодлөн нö эськö медтэрыб кораблыс. Дерт жö, аслынымлы тöдлытöг сконьяссьылим да дзумгысьлим паськөмөн и быдсөн шорас. И сэки нин полам вöли ва паськөмнад гортö локны да код дорö кө ёртгьяс пысь пыравлим косьтысьны. Но гортсалы, дерт, удтысьлисны шор дорын миян ворсöм йылысь да мам эз жö ошкывлы таысь. Да корсюрö сiдзжö тасмаавлис. Сийö сöмын майшасылис, медым эгö кынмöдчöй көдзыд шор дорын ворсiгөн.

А медся дыр виччысяна каднас миянлы вöли гожöм. Медводз лымийс сывлис Иля нырдлөн джуджыд нöрыс вылын, кытысянь коркö ислаьлывлiм тöвнас. А öни сэни муыс шоналöма нин да көмтöм көкөн лунтыръясөн котралiм нырд вылын. Сэсся мудзам да пуксям шойччыны вертяяс коласöд тыдалысь ыли Эжва ю вылö видзöдiгмоз. Сийö йиа на. Но йиыс лözöдöма нин. Сийö и видзöд, талун-аски вosityс юыс да сэсся тувсов ваыс ылькнитас видзьяс вылö. Сэки ытываыс волас и миян сикт горулöдз. Но тайö ыджыд васö виччысьöны сöмын кер куталысьяс, утка бöрся кыйöдчысьяс да тывйөн чери кыйысьяс. А миянлы дона сийö пöраыс, кор ыджыд ваыс бөр пышгьяс видзьяс вылысь да Эжваыс пуксяс аслас воргаö. Ми, дерт, огö виччысьöй, кор шоналас ваыс паськыд на Эжва юын. А вадорö удэччывлiгьясөн купайтчам увтасынъясын кольöм ыджыд гөпгьясын, көни ваыс удитöма нин шонавны. Öти сайын көвтам дөрöмгьясөн и сэни кольччöм арпиянöс чериа рач вылö. Мöд ногөн тайö ва гөпгьяс косьмöм бöрас кольöм черисö сэтысь сiдзжö кокаласны катша-рака. А коркö сэсся ва ёнджыка ямöм бöрас и Эжва дорса ыджыд лыа вылö вesityкалам. И гожöмбыд лунтыръясөн сэни вермам купайтчы-



ны, ворсны да вуграсны. Дерт, коркө кынөмыд кутас сюмавны да казгыштам жө горт йывсыд. А вадорысь кайигмоз няклялам посни шомкорлысь небыд корьяссө, бобөнянылысь гөрд сырьяссө, көктоинлысь ёсь шмакьяссө, шыранькытшылысь посныдик тусьяссө. Но сійөн өд он пөт. Сөмын дэльөдан асьтө. И Вакрө шорысь көдзыд ванас горшнымөс веськөдөм бөрын воам сэсса гортө.

Мамлы, дерт, огө висьталөй, көнө ми та дырасө келалім. Но сійө и сідз төдө. Сөмын ропкөдчыштас неуна. А видлы кутны челядьтө, мед найө дугдасны лэччывлыны вадорө да кутасны пукавны гортын. Кутсьөма! Тайөс бура гөгөрвооны вөлі миян мамьяс да нинөм воча оз шуны. Помнита, миян мам тай вөлі дольыштас вадорө лэччөм водзвылын:

- Вөян кө кытчөкө, сэсса гортө эн лок!

А ме сөмын нюммуна воча. Вөя кө нө, гортад сэки локсьөма нин.

Но өтчыд мамным чорыда ыджавлөма миянлысь медічөт Маша чойнымөс. Сійө ичөт на вөлөма. Та вылө видзөдтөг абу висьтасьөма да вөтчөма зон челядь бөрся вадорө. А ми школа-

ынөсь. Ыджыд ваис сэки воөма нин Яков мельнича дорөдз, көді дзик сикт горулын. Мамлы орччөн олысь Анна тьөт висьталөма, мый нылыд пө зонкаяс бөрся вөтчөма. Мамлөн сьөлөмыс ыркнитөма повзөмысла. А мыйкө нө кө лоас сьлөн быдгасыскөд. Сійө котөрөн мөдөдчөма вадорлань. Бөрынджык нин мам вөлі висьтавлө. Вои пө мельнича дорад, а сэні пө менам ичөт нывкаөй ас коддьөм зонкаяскөд пуксьөмаөсь ыджыд важ пыжө да петөмаөсь ва шөрас. Ваыд пыжтө лювкйөддө. Челядь сійөс катлөддөны. Ме пө эг кут горзыны, а кори пө зонкаясөс матыстны пыжсө берег дінас. Тшөтш пө тьянкөд пуксьыла. Найө пө сынисны берегланьыс. А ме пө сэтшөма скөрми на вылө. Менсьым медічөт кагаөс өд вермисны вөйтны. Көсйи пө кутны кодөскө на пиысь, но некод пө эз сюрөдчы. Повзисны пө да пышйисны орчча ягө. Одьөджык пө кватиті ассьым Машукөс да котөрөн кыски гортө. А кийн ньөр. Кымыныськө кучки жө пө ньөрнас. Кучка пө, а аслам синвайй петө. Ныдукөй пө сэтшөм жаль. Сэсса шыбиті пө ньөртө да өтамөд бердө кутчысьөмөн гораа бөрддзим. А вөйи кө нө пө. Но

көнкө Енмыс вөлөма на. Бөрас нин Маша чөй сөмын нюмгьялөмпырысь вөлі казгытвлө тайө лоөмтор йывсыс. Бур, мый ставыс лючки помассис. А сэки збылысь ыджыд шөг вермис суны миянлысь семьянымөс.

Сэк жө, сійө кадас мамьяс либө батыяс өдвакө ёна нөйтлывлісны ассьыныс челядьнысө, көть и корсюрө лэчтавлісны ёнджыкасө зонпосниясыд, көть и эз пыр кывзысьлыны верстьөяслысь, но эз нин сэтшөм ёна грекөвөйтчывны. Сиктад сэки олөмыс эз на өнія кодь кокни вөв да челядьөс ичөтдырсяныс додьявлісны гортгөгөрс а уджө. И кадыс эз вөв ёнасө лэчтавны. А ньөръялас либө тасмаалас кө мамыд либө батыд, горөдывлан вөлі:

- Ог, сэсса водзө ог кут лэчтавны!..

А либө нө лөкысь бөрддзан да ас кежысь кутан лөкөдны ассьыд матыссатө. Но дыр-ө кежлө нө челядьлөн скөрлуныс либө лөклуныс тырмас. Недыр кад прөйдитас да ставыс нин вунөма.

Збылысь верстьөм век жө жалитісны ассьыныс быдгасыснысө. Од и асьныс коркө татшөмөн жө быдмылісны. Сэсса өд
(Воззө 15 л.б. вылын.)



ВӨЛӨМКӨ

Нималана психолог Эрик Эриксон серти, мортлөн олөмыс юксьö 8 тшупöd вылө. Сэки сійö мөвпалө, мый сяммис вөчны аслас олөмын да вөчö кывкөртөд.

КЫМЫН ТЭНЫД АРӨС?

18-20 арөс

Тайö кадкаластө ныв-зон олөны «Колө пышйыны бать-мамлөн борд улысь» девиз серти. А 20 арөсын, кор мортис ылыстчис нин семьясьыс (вуз, армияын служитөм), чужö мөд юалөм - «Кызди овны верстьö пөвстын?»

30 арөс

Морт заводитө мөвпавны: «Мый ме сямми вөчны аслам олөмын?» Сэки окота нетшыштны кольөм кадысь кутшөмкө юкөн да выльысь заводитны. Отка морт зильö корсьны аслыс радейтана пөлөс. Ныв, кодö водзынджык став кадсö сиис семьялы да челядьлы, көсийö петны йөзö. Челядтөм гозъялы колөны ныв-пи.

35 арөс

30 арөс бөрын олөмыс шыльыдджыка мунö, морт крепыдджыка сувтö кок вылө, ньöбö оланін, зильö кыпöдчыны уджын. Нывбаба көсийö, медем мужичöй медводз пыдди пуктис сійöс. А мужичöй гөгөрвоö, мый сылы абу нин 18 ар.

40 арөс

Олан туйлысь джынсö мунөм бөрын морт видзöдывлө помлань. Том кад да вын бырөм вермасны вайöдны кризисöдз. 40 арөса морт гежöда аддзö выль ёртъясöс. Кодлы окота на кыпöдчыны олөмын, мед оз кыскы-нюжөд кадсö, бөрыннас позянлуныс лоö пыр этшаджык.

45 арөс

Ёнджыка заводитө мөвпавны, мый быдөн мян пиысь коркө кулө. Мортлы абу окота вочаавны аслас олөмысь мөд юкөнсö, öд сійö вывти öдйö воис, кадыс лэбис. Статистика серти, уна гозъя торйөдчöны 40-45 арөсын.

50 арөс

Морт төдö аслыс дон. Вермө

кутны асьсө кийн, горзöны кө сы вылын уджывыса, гөтыр либө верөс. Аслас уджын воö бур да колана специалистöдз. Буретш тайö кадкаластө кужö торйөдны медшөрсö ковтөмторсьыс. 50 арөсын мортис быттьö выльысь видзöдлө олөм вылө, аддзö сылысь став мичлунсö. Вермө öти лунөн мөвпыштны ставсö да вежны оласногсö.

55 арөс

Тайö кадö локтö мывкыдлун. Торйөн нин тайөс казялан налысь, кодъяс сяммисны кыпавны уджын, лоины веськөдлысьөн. Ёртъяс да семья - меддонайс. Сылөн девиз: «Эн коляв кадсö весьшөрö». Откымынөн казялөны ас пиын выль творчествоа сям. Кризис лоö сэки, кор мужичöй гөгөрвоö аслас вөчөмторлысь ков-

төмлунсö. А нывбаба тшөкыда шуö: «Ме пыр олө аслам семьялы, аслым нинөм эг удит вөчны, но öнө сёр нин...» А öткымынлы нимкодь, мый олөны да отсалөны кодыкө.

56 арөс да водзö

Нималана учёнойяс да творчествоа йөз буретш тайö кадö, а тшөтш и 70 сайö арөсын, дасьтöны шензёдана уджъяс. Японияса серпасасъысь Хокусай шуöма, 73 арөсöдз пö став уджөй - нинөм эз сулав. Тициан серпасалөма шензёдана серпасъяс 100 арөс тыртігөн. Колө пасйыны, мый шылад тэчысь да серпасасъысь вермөны дырджык уджавны бизнесмен дорысь. Помкаыс - пöрысьмөм бөрын морт пырö ас пытшкас, а сы гөгөрсө олөмыс быттьö вешйö.




Кызди торйөдны психологическөй арлыдтö?

Колө донъявны, öнөя кад вылө мый удитін нин вөчны аслад олөмын. Шуам, став олан туйыдлы кө сетны 100 прөцент, кымын прөцент сэтысь сяммин збыльмөдны öнөя кадö? Морт төдөмөн заводитө донъявны, мый вөчөма, а мый на колө вөчны, торйөдö психологическөй арлыдсö.

Шуам, кодкө донъялө олөмсö 50 прөцент вылө да мөвпалө овны 80 арөсöдз. Сідзкө, сылөн психологическөй арлыдыс - 40 арөс: 0,5 x 80. (көть сэсса кымын збыльвылас абу сылы арөс - 20 көть 60).

Гожомнад сиктад либё дачаад - медся гажа да бур. А медым луныд эз вывти кузьон чайтсьы, бурджык мыйкё ас кинад ноксьыштны. Вёзям видлыны мичмөдны йөртё ичөтик поскөн, юкмөсөн да кутшөмскюрё звер-пөткаөн.



Мичмөдам йөр

Пос

Ичөтик поскыд лөсялас быдсикас му вылө. Сөмын сылы колө бөрйыны колана места, бура мөвпыштны, мыйсянь заводитны удж, а сэсся регыдъя кадөн и тэчны. Пос вөчөм вылө позьё босьтны вөсньыдик керъяс, пөвъяс либё лөсялана көрт. Дзик гөгрөс керъясөдыд абуджык бур ветлынытө. Та вөсна найөс позяс пилитны кузьтаногыс шөри.

Пуысь вөчөм постө колө мавтны антисептикөн, медым сийө дырджык оліс да эз сисьмы. Уліас позяс вөчыштны сідз шусяна «альпийскөй горка» либё ичөтик ты, кодъясөс сэсся мичмөдан ыджыд изъясөн.

Юкмөс

Уналы кажитчө, кор йөрас сулалө юкмөс. Дерт, ми вөзям декоративной юкмөс, кытчө ваыд оз лок. А позьё өд и мыйкё мөвпыштны ва кузяыд! Быд мортлөн эм аслас көсийөм, а, сідзкө, и вермөм да ас ногыс вөчны көсийөм.

Юкмөс вөчам шыльөдөм керъясысь, вагонкаысь либё профилируетөм брускусь. Вөчөй юкмөстө эн торйөн, а мукөд йөр мичмөданторъясыскөд орчөн. Медводз кодъям гу да сувтөдам сэтчө ковтөм бөчка либё цистерна. (Дерт, кодъяс збыльвывсаөс вөчөны - колө железобетонной кольчаяс му пытшкас пыдө суюны). Та бөрын бөчка гөгөрыс вөчны керйысь (либё мыйкё мөдторйысь) пыдөссө, а сы гөгөр мусө бетоавны. Сэсся нин позьё босьтчыны юкмөс тэчөмө - колана ногөн лэптавны керъяс.


Сэсся пыдөссянныс колө сувтөдны кык балка - тайө нин лоас юкмөс вевтлөн сюрөснас. Вевтсө позьё быдсикас формаөн вөчны. А сэсся позьё и мичмөдны артмөм юкмөстө быдмысь дзоридзьясөн, пөнарикъясөн - ставыс ас саяныд.

Керкадорса мутө позяс мичмөдны и быдсикас звер-пөткалөн фигуранас. Найөс позьё вөчны гипсысь либё монтажной пенаысь, а сэсся колана ногөн краситны.

Керка дорад кө сулалө косьмөм пу - ті шуда морт. Эн на пилитөй сийөс. Бурджык вөчны сылы серамбана либё повзёдчана чужөм да нюжөдны би, медым пемыднас сийө лоис мойдвывса кодбөн.

Дзоридз дозьястө позяс быдторйысь вөчны. А ыджыд мырйысь дозйыд - шензёданаторйөн лоас ёртъясыдды да матыссаыдды. Та могоысь дрель да мөлөт отсөгөн колө перйыны мырлысь пытшкөссө. Сэсся тэчны сэтчө му да пуктыны дзоридзьяс.

Нимкодьясьөй ас киөн вөчөмторъяснад! Мед найө дыр на шензёдасны орчөн олысьястө.





Унаысь казявлан, мый зонкаяс торйөн ворсёны нывкаясысь. Та вёсна талунья номерын окота вёзйыны зоньяслы ворсанторъяс. Тайё ворсёмъясыс отсаласны томуровлы быдмыны сюсьён, винёлён, ёнён - збыльвевса салдатъясён, кодъяс оз кутны нинёмысь повны да кутасны сетём кыенысё.

Быдмасны ёнён, сюсьён да винёлён

Поезд

Тайё ворсёмас вермас пырөдчыны некымын морт. Тани колё өдий мөвпавны да вочны. Ворсём водзын бөрийёны нуодысёс. Сийё лоё паровозён. Мукöдыс - вагонъясён. Вагонъяс пөвстысь быдёнлы колё скакалка либё канат отсөгөн вочны депо - гөгрос кольча сяма ин. Паровоз ветлөдлө да чукөртө вагонъяс. Ставнысё өктөм бөрын тутөстө, и вагонъяслы колё котөрөн воёдчыны асланыс депоё. Паровоз сіджө корсьё аслыс ин. И кутшөм вагонлы депоыс оз тырмы - сийё лоё паровозён. Ворсны позьё коть кымынён да дзикөдз муздтөдз.



Снайпер

Медводз зонкаяслы колё юксыны кык котыр вылө. Та бөрын бөрийыны медшөр снайперөс. Мукöдыс лоасны ворсысён. Кыкнан командасыс снайперъясыс сувтёны чертитөм визь сайё - найё кутасны лыйлыны мачён. Ворсысыс пырөны поле вылө. Снайперлы колё кыз позьё унджык мөд котырсыс ворсысёс петкөдны полеысь. И нөшта мачсё лыйны сідзи, медым сийё оз веськав мөд котырлөн ворсысыс дорө. Кодөс лыйисны, сийё отсалө петкөдны ворсөмысь мукөдсё.

Пограничник да парашютист

Ворсём отсалө бурмөдны реакция. Ворсём водзын бөрийсысьё 10 метр ыджа площадка. Сы бөрын ворсысыс юксыны кык котыр вылө: найё лоёны пограничникъяс да парашютистъяс. Парашютистъяс котралёны өткөн-өткөн. А пограничникъяс кийөн кутчысёмөн. Налён мог - кутны парашютистөс кольчаё босьтөмөн. Таысь найё шедөдөны 1 син. Ворсёны дышөдтөдз. Позьё и вежсыны командаысылы, медым парашютистъяс лоины пограничникъясён и мөдарө. И весиг венласыны синьяс өктөмөн.



(Заводитчө

10 л.б. вылын.)

и модысджык тайо челядыс лоасны асланыс пöрысь баты-мамос удысь вердысьясон. Кыдзи нö на выло лыстан китö лэптыны? Бöрынджык мекöд тшöтшгъяс пиысь некод тай ёнасö эз норасывлы-а, мый найос баты-мамныс зэв ёна на-кажитлисны. Көть эськö öткымын менам ёртъ-ясöй зэв вöйöсь вöлины. Но и татшöмгъяс вылас верстыöяслон киясныс эз ёна лыбыны. Дерт, мукöддырйи забеднö жö лолывліс сёлöм вылын, кор, тэнад чайтöм серти, нинöм абусыс баты-мамыд пинявлісны. Асты öд век правон лыдылы. Збылысь, татшöмыс вöвлі и мекöд. Сэки дзебсьывлі пöлатъ пельöсö да гуся синваос чышкалігмоз шога мөв-павлі, мый ме медся шудтöм мортыс и эм. Тайо свет вылас некодтай ог ков. Некод менö пыдди оз пукты. А мөдарö, зильö на увтыртны. И ачыд аслыд сэтшöм жаль, мый синваыд дугдывтöг тюрö. И сэки друг син водзын петкöдчö, мый ме абу нин ловъя да куйла гортыын. А горт гөгөр сулалöны менам матыссаой да шога бөрдöны, мый менö пинявлісны, нинöм абусыс омоль кывгъясон дойдалісны. Öнi эськö и чуксалöны, медым бөр ловзи, но он на тай босыт. И сэки тöдлытöг ме унмовсьывлі да вöтасылі зэв мича вöт сы йылысь, кутшöм бурöсь менам баты-мамой да кутшöм ёна ассыныс коймöд пинысö пыдди пуктöны. Садьма да, папалöма нин став шоглуной, быттьö нинöм абу вöлöма.

Коркө ёна бöрын мам меным шулывліс:

- Тi öд, менам быд-тасыясöй, пыр дитяясон меным и колянныд. Вит челядöс батыдкөд быд-



тiм да витнанныд меным зэв донаось. Рытнас водiгөн и асывнас чеччöм бöрын пыр быдөнös тян пиысь казтыла аслам бурсиöмгъясын, мед, ен сыкöдөн, эз жö ло кодкөдкө кутшöмкө ускöттьö, мед тувсов шор моз гажаа визувтiс тян олöмныд.

Торйөн нин шог вöлі мамы, кор виччысьтöг кувсис миян меддзöл Володя вокным. Сiйö оліс мамкөд. Уджалис совхозын. Некор эз норасылы сёлöм вылас. Но со комын кökъямыс арös тыртiгөн друг сувтöма сёлöмыс.

Чукöртчам вöлі субöта рытö карысь воом бöрын пызан сайö. Мам ваялас пызан выло сёян-юан. Сэсся друг видзöдлас миян выло да виччысьтöг ырёбөн бөрддзас. А ачыс сэк кості шуалö:

- Кодкө быттьö оз тырмы миян пöвстын. Да öд, Володяой, менам дона пийö, абу тянкөд орччөн. Вай жö, тэ кö конкө эм, вошйы да сибöдчы миян дiнö. Öтвылысь сёйыштам да юыштам.

А сэки, миян челядырйи, менам чайтöм серти, батыяс да мамгъяс миянös лэчталöмгъясысь, вадорö пышгъялöмгъясысь мода вылас, гашкө, корсюрö и нойтывлісны. Мед, быдмöны кö ви-

зулöсь да збойöсь. Мөдысь ёнджыка вермасны сулавны ас вöснаыс олöманыс. Сöмын öгитор сэки майшöдліс найос. Мед эз жö су кутшöмкө неминуца налысь быд-тасыясö. А сiйö тшыг кадас кöмкотгъясыд оз на вöлі тырмыны да ми гожöмбыд ветывлім кöмтöм кокөн и вадорö, и вөр дорö. Дерт жö, кокъясаным и кляничаыд пыравліс, и няйтыд веськавліс. И майшасьöмыс сэки сюрывліс мамгъяслы. А быдмим кö ми ловъяось да дзоньвидзаось, таысь атгö колö висътавыны буретш налы. И öнi сэтшöм окота мукöддырйи адзвывны ловйөн ассыым мам-батыс, кодъяс уна во нин куйлöны Ракадорса шойна вылын. Тöда, мый сэки эськö аслам олөм йылысь висътасыöм бöрын баты нинöм оз шу, сöмын нурбылтас:

- Но и бур, мый олан-ныд, мый ловъяось. Миян дiнö удитанныд на.

А мам колөкө содтас:
- Ак эськö нбөръялыштны колö тянös, мый онö сiдзи олöй, кыдзи колö, онö сiдзи быдтöй ассыныд челядныгтö.

Но шуас тадзи сöмын мода вылас. Тöда, мый сылөн кыис оз лыб миян выло. Кыдзи нö ассыд дитястö позьö дойдны.

«Коми йöзöдчан керка»
Коми Республикаса
автономной учреждение.

Веськöдлысьлысь

удж вöчысь

Е.В.ПЛЕТЦЕР

Гл.редактор

Г.В.МАКАРОВА

◆◆◆

Газет панысь:
Печать да юөр сетан Коми
Республикаса агентство.
Регистриуйтöма
2007 вося ноябрь 28 лунö
йöзлы юөр сетом да
культураса озырлун видзöм
кузя оланпасьяс
збыльмөдöм бöрся
видзöдысь федеральной
службалөн Беломорской
управлениеын.

Регистриуйтан пас:
ПИ №ФС 3-0686.

Социальной тöдчанлуна
гижöдгъясö йöзöдöма «Коми
йöзöдчан керка» автономной
учреждениелы печать да юөр
сетан КР-са агентствоон
вичмөдöм сьом выло.

◆◆◆

Редакциялөн адрес:

167982, Сыктывкар,

К.Маркс улица,

229-öд керка,

401-402 кабинетгъяс.

Тел. 24-12-22, 24-36-49.

E-mail: Yologa@mail.ru

◆◆◆

Редакцияын

уджалысьяс:

том йöзлөн мытшöдгъяс

юкөнөн веськöдлысь –

Надежда Пунегова;

письмö юкөнөн

веськöдлысь –

Екатерина Микушева.

◆◆◆

Медводдза лист бокас

снимокыс

Юлия

Глудлөн.

◆◆◆

Авторгъяслон мөвпъяс оз
пыр лöсывны редакциялөн
видзöдласкөд.

◆◆◆

Тираж – 421

Гижöдчан индекс – 52099.

«Йöлогa» газет петö

1991-öд восянь

вежоннас öтчыд, комиөн.

◆◆◆

Печатьö кырымалан кад:

график серти – июль

тöлысьлөн 9-öд лунö

16 часын; кырымалöма

печатьö 16 часын.

Газет печатайтöма

«Коми республиканской

типография» ООО-ын дась

оригинал-макетгъясысь.

167610, Сыктывкар,

В.Савин улица, 81

Заказ №



Талунья номерын «Йӧлӧгаса» Дашук велӧдӧ пӧжасьны. Видлӧй, том кӧзьякаяс, дасьтыны рыська, ананаса да сыра чӧскыд пӧжасьяс.



Рыська

Колӧ: 750 гр рысь, стӧкан гжын сакар, ванилин либӧ ванильнӧй сакар, 3 чипан кольк, 2 ыджыд пань пызь, разрыхлитель.

Чипан колькысь вижсӧ торйӧдны еджыдсьыс. Рысьсӧ ӧтлӧдны чипан кольклӧн вижыскӧд да бура гудравны блендерӧн. Няньшом вылӧ пуктыны 2 ыджыд пань пызь (разрыхлительӧн гудралӧм), ванилин. Ставсӧ бура гудравны.

Чипан колькысь еджыдсӧ гудравны миксерӧн, медым артмас кень, вочасӧн содтыны сакар. Став тайӧ гудрассӧ пуктыны няньшом дорӧ.

Неыджыд дозмукӧ либӧ скӧвӧрӧдаӧ пуктыны пӧжасян кабала, а сы вылӧ рыськысь гудрас, бура веськӧдны пуртӧн. Пуктыны 180 градусӧдз шонӧдӧм духовкаӧ да пӧжавны час гӧгӧр. Кор лоӧ дась, оз на ков кыскыны дзык пыр пачысь, а виччысьны кӧдзалӧмсӧ.

Сыра

Колӧ: 500 гр рысь, 200 гр сыр, 4 чипан кольк, 2 чеснӧк пинь, лук турун, 2 ичӧт пань мӧс вый, 1 ичӧт пань паприка, кинза, манка, панируйтӧм сукар, сов.

Лӧдзны рысьсӧ пож пыр, посньӧдны сыр да чеснӧк, лук, ставсӧ гудравны. Торйӧдны чипан колькысь еджыдсӧ да гудравны солӧн кеньӧдз. Чипан колькысь кольквжисӧ да паприка содтыны рысь дорӧ, вочасӧн содтыны гудралӧм белок. Пуктыны гудрассӧ панируйтӧм сукарӧн да манкаӧн кыскалӧм дозмукӧ. Пӧжавны 15-20 минут чӧж духовкаын.

Ананаса

Колӧ: 750 гр рысь, 200 гр консервируйтӧм ананас, 3 чипан кольк, 3 ыджыд пань сахар, 2 ыджыд пань панируйтӧм сукар, 1 ыджыд пань мӧс вый, 1 ичӧт пань манка пызь, ичӧт паньлысь нельӧд пайсӧ ванильнӧй сакар, 1 лимонлӧн кор.

Ӧти чипан колькысь торйӧдны еджыдсӧ кольквжисьыс, ӧтлӧдны еджыдсӧ мукӧд чипан колькыскӧд да сакаркӧд, гудравны. Час джын кежлӧ кысьтны изюм ваӧн, сӧсся пуктыны дуршлаг вылӧ. Гудравны рысь, манка, лимон кор, изюм да ванильнӧй сакар, сӧсся содтыны сакарӧн гудралӧм чипан кольксӧ да бара на ставсӧ гудравны. Гӧгрӧс дозмук мавтны мӧс выйӧн да кыскавны сукарӧн, пыдӧсас содтыны ананас, а вылиас - рысь. Чипан колькысь кольквжисӧ, кодӧс медводз торйӧдлӧм, неуна гудравны, да мавтны веркӧссӧ. Пӧжавны 40 минут чӧж 180 градусӧдз шонтӧм духовкаын.

